

De "Freie" Lötzeburger

Telefon : N° 12-34

Telegramadr. : Deflö

Nationalistescht

Oppositio'nsblad

Verantwortliche Redacter : Dêngens Dömmy

Verwaltung : Prisong am Grund

erschéngt regelme'sseg onregelme'sseg

Direct Verbindongen o'ni Drot mat London, New-York a Moscau



*So' secher we' ons d'Bierger wénken
kónnt d'Freihétssonn èn Dag ons blénken*

Wo' d'Uelzecht dûrech d'Wisén ze't ,
dûrch d'Fielsen d'Sauer brécht ,
wo' d'Rîew lanscht d'Musel dofteg ble't ,
den Himmel Wein ons mécht ;

Dât ass onst Land dât den lôte Mê vun enger preisescher Reiberband iwerfall ass gin. Mir konnten ons net wieren, onse Protest hûet neischt gedéngt. Bal 2 Jor ass de Preiss elo am Land, en hûet gerâwt a gestûel wat en errêche konnt. D'Resultat : Lötzeburg ass arem we' Job. Dach domat wor de Preiss net zefridden. Vun Natur aus Sadist, muss hien seng Opfer martyrise'eren, kîerperlech a se'lesch. Als frei Lötzeburger solle mir dem "deutschen Härevollék" d'Stiwele kossen. Onst freit Verfüngsrecht göt ons entzun, so'gûer ons Gedanken gi kontrolle'ert. Eso' weit gêt de Preiss a senger egener Vergöttlechong, dat hien all dénen önnerjochte Völker d'Se'l ofspricht, se behandelt we' bessert Ve'h.

D'Aufgab vun der "L. P. L." soll et sin, de' bedrêt Freihêt mat alle Möttelen ze verdêdegen. We' all ons Flugblieder, soll onst klengt Blad bestömmt sin, an onsem le'we Lötzeburg d'Moral ze hîewen, déne Mutt ze mâchen de' verzoe wöllen, de' aner an hirem Glaf un e freit Lötzeburg ze stierken.

Dausende vu gudde Lötzeburger müssen an der Verbannung d'Konsequenzen vun hirer Hêmechtsle'ft droen. - Zwê onser Beschter hu mat hirem Blutt, mat hirem Märtyrerblutt, hirt Bekenntnes zo' der Hêmecht, zem Tro'n, zem Altor besigelt.

LOETZEBURGER, SITT HIRER WIRDEG.

Mir lossen ons net versklawen. Mir bleiwen onser Hêmecht, onser Gro'ssherzogin frei. Mir verzoen net. All Dag dréngt e Gebied erop ge'nt Himmel, e Gebied aus 300.000 Lötzeburger Hîerzer :

O Du do ûewen, dém seng Hand
dûrch d'Welt Natio'ne lêd ,
behitt Du d'Lötzeburger Land
vum frieme Joch a Lêd .

Helleft der "L.P.L." , an dir helleft fech selwer

Die vom Sondergericht zum Tode verurteilten Adolf Claude, Differdingen und Dominik Dondelinger, Rümelingen, sind hingerichtet worden.
(Luxemburger Wort v.14-2-42)

I N M E M O R I A M . A . C . an D . D .
13. Februar 1942.

Et ass nun aus .
Schlot zo' . De' gre'sste Schmôch go'f ons haut ugedon .
D'Vollék wâlt op . Mê 't hânkt un him we' Bleigewicht ..
Der Deiwel selwer go'tz do mat fech zo' Gericht.
Tyrannhâs hûet Hêmechtskanner do'd geschlon.

De' woren trei .
Dem Herrgott ömmer trei an No't an Do'd a Léd
Sech selwer trei, dem Ed zo' hirer Herzogin
An trei der Hêmecht, hir mat Leif a Se'll ergin.
De Glâwen un hirt Land go'f hinnen d'lescht Gelêt. . .

Sie sin net do'd .
Hirt Bild stêt stârk a fest ge'nt d'Freihêtssonn gerîcht .
Sie dron fir ons de Freihêttsfüendel blo, weiss, ro'd
Durch Schân a Sklawerei, durch Hâs an Nüecht an No't
Sie fe'ren ons : Hirt Beispill reisst ons all an d'Lîcht .

..... ein Fehlurteil, ein kalt und überlegt gefälltes und exekuti-
tiertes Todesurteil, eine Exekution von Männern, die im nationalen Affekt
gehandelt haben, als gemeine Mörder zu verurteilen, das haftet an der
Nation unauslöschlich."

(Adolf Hitler an H. Rauschning)

Liest a verbrêd "De Freie Lötzeburger"

--- Adolf hat Jeburtstag jehabt ---

Schon wieder steht das 3. Reich im Fahنشmuck, Wohl wieder ein
grosser Sieg ? Doch nicht. Adolf feiert Jeburtstag. Für manchen Deut-
schen, der seit Jahren den Hungerriemen um den Leib jeschnürt hat, wäre
es wohl eine Gelegenheit gewesen, sich wieder einmal satt zu fressen.
Aber 's gibt nischt, nischt mit Marken und noch weniger ohne Marken.
Und da soll man feiern ? Nun, es jenügt ja vollständig wenn die Fahnen
jehisst sind, wenn auch der Fahنشmuck schon eine Jowanheit geworden
ist. Das durch die vielen so rasch aufeinander folgenden Siege so lästig
gewordene Auf- und Abziehen der Fahnen hat dazu jeführt, dass bei vielen
Deutschen das Hackenkreuz überhaupt nicht mehr abgezogen wird, in Abwar-
tung des so längst versprochenen Endsieges. Ja, dieser verfluchte End-
sieg will nicht kommen. Da muss doch etwas nicht klappen.

Adolf, der unfehlbare Führer, hat sich nun an die Spitze der Wehr-
macht jestellt, diese und jene Jeneräle, die es nicht fertig jgebracht
haben den Russen den Jnadenstoss zu jeben, abjesetzt und mit Jeneral
Frühling ein Bündnis jeschlossen. Und nun wird sich der letzte Akt ab-
spielen. Ach, jetzt fällt mir's ein. Die Engländer und die Amerikaner
wollen doch auch 'ne Frühjahsoffensive machen. Zum Teufel . Dann wird
die unsrige wohl ins Wasser fallen. Herrjott, schmeiss Bomben herunter
aufs Hauptquartier, wir brauchen keine Siege mehr. Nimm zu Dir die Ver-
rückten, die Schuld an unserm Elend sind. Befreie die Unterjochten, die
unschuldigen Opfer unseres Wahnsinnes.

Unterdessen lässt sich unser aller Adolf eine jut jebratene Jans
auftischen (natürlich ohne Marken) und überhäuft uns zum 100. mal mit
den unglaublichsten Versprechen. Mit seiner Neuordnung hat er für die
Reichen den Schwarzhandel, für die Armen das Hungern einjeführt. Nun
jut, Adolf, du kannst dir's leisten. Friss deine Jans, friss sie janz.
Lass sie dir jut schmecken. Deinen nächsten Jeburtstag wirst du nicht
mehr feiern; wir aber werden Jânse fressen, froh deiner loss zu sein.

Heinz Knoblauch

Lötzeburger , vergîsst net den 10te Mè

--- Dem Hitler seng gro'ss Ried vum 26ten Abröl ---

D'ganz Welt wor verwonnert, dat den Hitler e pûer Me'nt d'Maul ge-
halen hûet. Ursache schold. Vu wat hätt hie k'onne schwätzen ? Kê Sieg
me'erens an Aussîcht. Dûerge'nt sin an der leschter Zeit tûschen dem
Führer a senge Generél Mênongsverschiddenhêten entstânen, iwer de' den
Adolf, als "Oberster Feldherr", sech net mir net dir net ewegsetze konnt.
Am Wollók wor eng Onzefriddenhêt ze mîerken dodûrch, dat et vun Dag zu
Dag op eng me' schwe'er Pro'f gestallt gôt. Gewössen dichteg Fabrôksdi-
rekteren sin ofgesat gin, well sie et net fîerdeg brûecht hun eng Produk-
tio'n ze errêchen de', an dem Hitler sengen Aen, als e Minimum betrûecht
ass gin. Aner Direkteren a Fabrikanten hun eng schwe'er Schneiz kritt a
sollen, wa sie keng Wonner schafen, an d'Konzentrationslager geheit gin.
Beamten hu sech beschwe'ert, dat sie nach ömmer op hiren "Urlaub" warden
an hu gesot hir Gesondhêt gèng zem Deiwel, wa sie net e pûer Wochen aus-
gespânt ge'wen.

All de' Sâchen (fir nômmen des ze nennen) hun den Hitler aus dem
Heis'che brûecht. O'ni ze zécken hûet hien de Reichtag zesûeme geruff
fir d'Gelêenhêt ze kre'en nêš eng Ke'er op de' déck Tromm ze schlon an
dem Vollékbeizebréngen, dat et an desém Jor nach vill me' muss lêschten

fir dem Endsieg me' zo ze kommen.

A senger Ried, de' eng deck Stonn gedauert huet, huet den Hitler nês iwer seng e'scht gro'ss Siege geschnôsst, de' ênzeg an der Geschicht do sténgen. Natirlech konnt hien dem Vollék net verhêmlechen, fir wat de Krich a Russland nach net eriwer ass, Schôld un dem lânge Streid, sot hien, wor den ûerge Wanter mat 50° Kêlt wol den deitschen Zaldot, den un eso' e Klima net gewinnt wor, Wonner gelêscht huet. En huet zo'gin, dat d'Organisatio'n net perfekt wor; dûerge'nt huet hie beto'nt, dat hien elo schon derfir gesûergt huet, dat am nächste Wanter alles ge'f klappen. Sche'n Aussichten fir d'deitscht Vollék, dat sech erward hat de Führer ge'f him an diesem Summer den "Endsieg" bréngen. Amplâtz, we' am leschte Summer, sech iwer vollständig geschlagene Bolschewiken löschteteg ze mâchen, huet hien des Ke'ler de Russ als e Koloss dûergestallt, dem seng Reserven a seng Krâft nach lânge net um Enn sin.

Dûerno huet den Hitler de Spunnes gemâcht mat der geplangter englescher Offensive. Wat England an der Hinsecht lêschte kann, sot hien, huet sech bewisen zu Bruneval an zu St. Nazaire, wol seng Zaldoten mat schwârze Gesichter a mat Gummissûelen erugeschlach an, eso'bal d'Wehrmacht dertôschent ko'm, nês hurteg ugedréckt sin. De' Wiederer hun de' Hâren Abgeordnete natirlech lâche gedon, nônnen net de' vu Köln, Lübeck a Rostock, de' d'Explosio'ne vun den englesche Bomben nach an den O'eren haten.

Iwer d'Bombarde'ere vun deitsche Stied wosst den Hitler nônnen dat hei ze son : Wann den Churchill net ophállt ons Stied ze bombarde'eren, da bombarde'ere mir seng och. Nên, we' ass den Adolf op êmol erof komm. An der Zeit h'uet e behapt fir all Tonn englesch Bomben ge'f hien 200 - 300 - 400 Tonnen erem, de' englesch Stied ge'f hien "ausradieren". D'Engländer warden nach ômmen drop.

Fir der Onzefriddenhêt vun e pûer dausend Leid è fir allemol en Enn ze mâchen a mat der gre'sster Energie ge'nt all de' virzegen de' sech enger Sabotage beschöllegen oder net amstand sin de' virgeschriwe Produktio'n ze errêchen, huet den Hitler vum Reichstag d'Vollmacht verlânge, sech iwer all Gerichter ewegsetzen, d.h. perse'nlech als "Oberster Gerichtsherr" opfrieden ze können. Wie vun den Abgeordneten hatt sech erlabt ge'nt de Virschlag ze stömmen ?

Dât woren d'Hauptpunkte vum Hitler senger gro'sser Ried. D'Situatio'n ass also de' elei : Eng Fre'jorsoffensive muss gemâcht gin. Ge'nt wien ? Ge'nt d'deitscht Vollék selwer. Den Hitler ass Här a Mêschter a seng Parteigenossen Himmler, Bormann, Sauckel a.s.w. spille mam Liewe vum deitsche Vollék. Wann e Mann, we' den Hitler, we'nt enger klenger Minorite't vun Onzefriddenen, we' hie sech selwer ausgedréckt huet, eso' weit muss gon dann ist etwas faul im Staate Deutschland.

Gespânt ward d'ganz Welt op d'Resultaten de' sech aus der Vollmacht ergin.

Verbrêd de "Freie" Lötzeburger am ganze Land

--- E N D R A M ---

Zwê Jor sin ewell verschwonnen
ma ech wês nach ganz genê,
wat mir d'Ro' net konnt vergonnen
demols op den 10 te Mê.
O'ni Angscht an o'ni Sûergen
lei'n ech an de Plaumen nach
we' en Dram mir, fre' am Mûergen,
miederôsich huet d'Hierz gebrach.
Ech gesi mech nach do leien,
mat mir selwer deck am Streid,
we' a lânge, lânge Reien
Wandleis kommen vun all Seit.
Wandleis schaffen nûets we' De'wen.
Si sie net de' beschte Frönn ?
Wann è falsch ass bis un d'Ze'wen
huet è Guddes net am Sönn.
Deischer we' eng Wiederwollék
an der kloftrer Fre'jorsnûecht,
huet dat Ongeziwervollék
frech sech vrun ons Dir gelûegt.
Nogezun hu sie Kano'nen
a vill aner Sâchen nach.
Kê Mönch wölle sie verscho'nen,
wie sech wiert de gôt erstach.

Och den Himmel kann net bleiwen
onbehellegt vun der Band,
d'Leis mat Blut doranner schreiwen
we' sie wâchen iwer d'Land.
Hei fânt un de Pâk ze sche'ssen
mat Kano'nen a mat "Flak",
d'Hierz ass mir gerôtscht zu Fe'ssen
mat dem Boum, Boum, Tack, Tack, Tack.
De'f an d'Bett ech mech verkreichen,
ruffe gidfer Hêl'gen un,
ower d'Wandleis gûer net weichen,
trâppweis kommen s'ugezun.
A sie stiechen a sie beissen,
ze'e mir d'lescht Dröpps'che Blut,
't ass fir d'Hor sech auszereissen,
ze verle'eren de Mutt.
Fir de Leis de Bass ze halen
wiren ech mat Fe'ss an Hänn,
baufdeg aus dem Bett ech falen
a mein Dram en ass zu Enn.
A wat woren all de' De'er
de' ech hat am Dram gosin ?
Deitsch Zaldoten, Offize'er,
Wandleis de' op Blut ausgin.

Benny

De Minettsbasseng stêt am Zêchen vun der "KARTEI".

Stol an Eisen sin de Symbol vun der Minettsgegend. Aus Stol an Eisen ass de Charakter vu senge Bewunner. De Gaul eiter a seng Clique hu sech bluddeg Käpp geholl, we' se d'Experiment mat der Kartei am Minettsbasseng probe'ere wollten. Wann d'Sâch net eso' tragesch wir, et ke'm en net eraus aus dem Lâchen iwer all de' Tricken, mat dénen d'Preisen geûzt gin. Mir wöllen aus dem Vollen e pûer Exempel zito'eren :

En ale Mann refus'e'ert op d'Gemeng ze gon fir seng Deklaratio'n ze mâchen. Zwe' preisesch Polizisten stellen hie mat Gewalt virun hiren Auto a force'eren hien eso' op d'Gemeng ze gon .

An enger Uertschâft lossen d'Leid sech strôsseweis vun der Polizei op d'Gemeng fe'eren; et hût ower kôn enzegen seng Pabeieren an der Rei, so' dat all Arbecht ômmesoss wor .

Zo' Nidderkêjéng muss e Wirt d'Jalusien vu senger Wirtsstuff erof lossen, dat nôhme kê Lötzeburger kontrolle'ere kann wie freiwo'leg op d'Gemeng gêt .

Eng jong Lötzeburgerin, mat engem Ortsgruppenführer bestûed , muss d'urch 2 Polizisten op d'Gemeng gefo'ert gin .

En einfachen Arbechter gôt vun engem Frônd opmierksam gemâcht , dat eng Bo's vu 50 Mark iwer de' verhânge go'f, de' net op d'Gemeng si gânge. En ântwert : "Vrun e pûer Jor hu vill Preisen 5000 bis 7000 gutt lôtzeburger Frange bezûelt fir d'E'ier Lôtzeburger ze gin . An ech soll keng hongrech 50 preisesch Mark opdreiwen fir Lôtzeburger können ze bleiwen ?"

Mir können den Hutt ze'en virum Minettsbasseng. Seng Awunner hun d'Schlûecht ewell gewonnen, o'ni op d'Höllef vun dem Rescht vum Land ze warden .

E "Feigling" , den do nach zéckt .

O, Adolf , wat hûes du dech schwe'ler versin ,
fir dech si mir net gewéckelt gin .



--- Ons Klacken ---

Mir brauche kengem Lôtzeburger me' ze son, wat eng Verûerdnong ass. Et ass dât wat mer nach, aussér Ren a Schne', o'ni "Bezugsschein" kre'én. All Dag stin Verûerdnongen an der Zeidong a gi vun enger gleichgeschalter Press mat engem richtege Genoss komment'e'ert, op se wichtig schéngen oder net. Dûerfir si mir dûebel verwonnert, dat der Press virun e pûer Wochen eng Verûerdnong entgong.

No deser Verûerdnong sollen nâmlech ons Klacken erofgeholl an ageschmollt gin.

Fir wat go'f de' Verûerdnong net komment'e'ert ? Mir können dach net glêwen, dat ons "Beschützer" eng Revolt vun déne pûer Lôtzeburger färten. Lôtzeburger . Ons Klacke solle verschwannen .

De Bourdon, e Stéck al Lôtzeburg, soll verstommen .

De Po's fir ons Do'deg gôt wahrscheinlech mat e pûer Pabeiermarke gelaut.

Ma ont ass secher. Fir den Dag wo' den Hitler mat senger ganzer Band fir ômmer verschwânnt, wârde mir am Land nach eng oder de' aner Klack fannen, de' hinnen e schauregt "Memento" noriffit mat enger Stömm, de' weit iwer ons Grenze klénkt.

All Klackesêl, et se'f dônn oder déck ,
gôt spe'der fir d'Preisen e sechere Stréck .

--- Bre'fköscht ---

Vu Geld ass agângen :

Köndel : 100 Fr.

7 nei Memberen vun der L.P.L. : 700 Fr.

Preisfre'sser : 250 Fr.

Villmols merci .

Kiewerléck, Dummeldéng : De' 2 "Freiwo'leg" si vun deitschen Elteren.

Bumsky, Re'mech : Ere Mâtty ass a Secherhêt .

Lôtzeburger . Kaft patriotesch Biller an Ofzêchen. Dir mâcht e gutt Wierk . - Ze kre'én an der Redactio'n vum "Freie Lôtzeburger" .

Lôtzeburger . Er Plâtz ass an der L. P. L.